



ТОШКЕНТ ОҚШОМИ

Газета 1966 йил
1 июлдан
чиқа бошлаган

2006 йил, 9 январь, ДУШАНБА

XXI АСР
САДОСИ
БАРЧА МАНБАЛАРДАН ОЛИНГАН
СЎНГИ ХАБАРЛАР

МАМЛАКАТИМИЗДА

● Олий Мажлис Қонунчилик палатаси Қонунчилик ва суд-ҳуқуқ масалалари қўмитасининг йиғилишида солиқ соҳасидаги ҳуқуқбузарликларнинг олдини олишга қаратилган маъмурий жавобгарлик тўғрисидаги қонун ҳужжатларининг Андижон вилоятидаги ижроси натижалари кўриб чиқилди.

● Ўзбекистон Республикаси Президентининг «2004-2009 йилларда Мактаб таълимини ривожлантириш давлат умуммиллий дастури тўғрисида»ги Фармонида биноан ўтган йили Жиззах вилоятида 60 та мактаб биноси қайта реконструкция қилинди.

● Мудофаа, Маданият ва спорт ишлари вазирликлари, республика Хотин-қизлар қўмитаси ҳамда «Соғлом авлод учун» халқаро ноҳукумат хайрия жамғармаси ҳамкорлигида Чирчиқ олий танк кўмондон-муҳандислик билим юртида ўтказилган тадбир «Ватан она қалбидан бошланади» деб номланди.

● «Тошгузар-Бойсун-Қумқўрғон» темир йўли қурилиши жадал давом этмоқда. Ушбу йўлнинг учинчи босқичида 104 километрик масофага пўлат из ётқизилди. Тоғ дарёлари устида кўприк қуриш, аҳоли яшаш жойларида бекатлар барпо этиш, электр энергияси, табиий газ ўтказиш ишлари ҳам мажмуавий тарзда бажарилляпти.

● Мамлакатимизнинг бошқа ҳудудларида бўлгани каби Хоразм вилоятида ҳам баҳорги экиш мавсумига ҳозирлаш пухта тайёргарлик бошлаб юборилди. Хусусан, мавжуд машина-механизмлар кўздан кечирилиб, таъмирталаблари ишга шай ҳолга келтирилмоқда.

● Мамлакатимиз билан Хитой Халқ Республикаси ўртасида имзоланган ўзаро манфаатли шартномага кўра Фарғона шаҳрида «Хуавей» компаниясининг янги замонавий алоқа станцияси фойдаланишга топширилди. Энди вилоятнинг ярмидан кўп туманларидаги телефонлар 52600 сигимга эга бўлган рақамли станцияларга алмаштирилади.

● Фарғона вилояти ўрта махсус, касб-хунар таълими бошқармаси ташаббуси билан Марғилон шаҳридаги касб-хунар коллежларида «Интернет клуб»лар ташкил этилди. Ёшларнинг бўш вақтини мазмунли ўтказиш мақсадида ташкил этилган «Интернет клуб»ларда коллежлар ёшларидан ташқари маҳалла йигит-қизлари ҳам компьютер сабоқларини олиши мумкин.

● Тошкент вилояти, Қибрай туманининг «Байтқўрғон» ширкат хўжалиги ҳудудида 10 минг аҳолига хизмат кўрсатадиган янги қишлоқ врачлик пункти иш бошлади. Ушбу шифо маскани қурилишига 100 миллион сўм маблағ сарфланган бўлиб, ўндан ортқ замонавий жиҳозланган тиббий хоналарда терапевт, педиатр, акушер-гинеколог каби мутахассислар хизмат кўрсатмоқда.

ЖАҲОНДА

● Иерусалимдаги «Адаса Эйн-Керем» шифохонасида даволанаётган Исроил Бош вазир Ариэль Шароннинг мияси уч бор операция қилинган бўлса-да ҳамон унинг аҳволи оғирлигича қолмоқда. Мамлакат Бош вазир ўринбосари Эхуд Ольмерт 4 январдан бошлаб юз кунга ҳукуматга раҳбарлик қилиш ваколатини бажаришга киришди.

● Латвия Сейми кўпчилик овоз билан мамлакат мудофаа вазир лавозимига «Янги давр» ўнг партияси вакиласи 35 ёшли Линда Мурниецени тасдиқлади. У Латвияда айни пайтда энг юқори лавозимларни эгаллаб турган аёллардан Президент Вайра Вике-Фрейберг ва Сейм спикери Ингрида Удредан кейин учинчиси бўлди.

● Кеча Саудия Арабистонининг Макка шаҳрида муқаддас Ҳаж зиёрати амаллари бошланди.

● Япония БМТ Котибиятига Бразилия, Германия ва Ҳиндистон томонидан юборилган Ҳавфсизлик Кенгаши доимий таркибини кенгайтириш талаб этилаётган қўшма резолюцияни қўллаб-қувватлашдан воз кечди.

● Гондурасдаги қамқоқоналарнинг бирида юзага келган тартибсизликлар натижасида камида 13 киши ҳаётдан кўз юмди.

● Тинч океани томонидан келган кучли тўфон Австралиянинг Шаркий соҳилларига ҳуруж қилди. Табиий офат оқибатида мамлакатнинг Квинсвот ва Янги Жанубий Уэльс штатларида 50 мингга яқин хонадон электр таъминотида маҳрум бўлди.

● Япония ҳарбийларининг Ироқни муддатидан аввал тарк этиши кутилмоқда. Расмий Токио, Вашингтон ўртасида олиб борилган музокаралардан сўнг шундай қарорга келинди.

● Германиянинг Бад-Райхенхалле шаҳрида жойлашган муз спорти мажмуаси вайроналаридан охириги ҳалок бўлган киши — кекса аёлнинг жасади топилди. Шу тариқа фалокат натижасида қурбон бўлганлар сони 15 кишига етди. Уларнинг олти нафарини болалар ташкил этади.

ПОЙТАХТНИНГ БИР КУНИ

Янгиликлар, воқеалар

Кекса сатрларда

● **БУГУН** Бектемир туман марказлашган кутубхоналар тизимининг 1-кутубхонасида ўтказилган давра суҳбати «Миллий истиқлол ғояси ва мафқураси» деб номланди.

● **ЎЗБЕКИСТОН** Республикаси Қуролли Кучлари академиясида Ватан ҳимоячилари кўни муносабати билан тактик ўқув машғулотлари ўтказилди.

● **ЎЗБЕКИСТОН** Давлат консерваториясида Ўзбекистон Хотин-қизлар қўмитаси, Халқ таълими вазирлиги ҳамкорликларида иқтидорли қизлар ўртасида «Зулфияxonим қизлари» кўрик-танловининг республика босқичи ўтказилди.

● **БУГУН** Миробод енгил саноат касб-хунар коллежида Ватан ҳимоячилари кўни муносабати билан «Мардлар кўриқлайди Ватанни» мавзуида ўтказилган беллашув «Маънавият ва маърифат» марказининг Миробод туман бўлими томонидан уюштирилди.

● **ЎТГАН** кўни Гафур Ғулом номидаги маданият ва истироҳат боғида ўқувчиларнинг қишки таътили муносабати билан Чилонзор туман ҳокимлиги, туман маданият ва спорт ишлари бўлими, «Маънавият ва маърифат» марказининг туман бўлими ҳамкорликларида ўтказилган болалар иштирокидаги спорт сайли «Зумрад қиш қувончлари» деб номланди.

● **БУГУН** Фирдавсий маҳалласида Юнусобод туман хотин-қизлар қўмитаси, «Маънавият ва маърифат» марказининг туман бўлими ҳамкорликларида «Анъаналар — халқ ҳаётининг тимсоли» мавзуида ўтказилган давра суҳбатида маҳалла фаоллари, ёшлари иштирок этишди.

● **БУГУН** Яқкасарой туманидаги «Қушбеги» маҳалласида Усмон Носир, «Бошлиқ», Юнус Ражабий маҳаллаларининг ижтимоий ёрдамга муҳтож болалари иштирокида «Қамолот» ЁИХ туман Кенгаши ҳамкорлигида «Кўча арча» лойиҳаси доирасида тантаналар ўтказилди.

● **БУГУН** Учтепа туманидаги «Тақачи», Саккокий, «Ўрикзор», «Қўқсарой» маҳаллаларида «Қамолот» ЁИХ туман Кенгаши томонидан уюштирилган арча байрами тантаналарида болажонларга совғалар тухфа этилди.

● **БУГУН** Мирзо Улуғбек туманидаги «Тракторсозлар», Мирзакалон Исмоилий маҳаллаларида яшовчи болажонлар иштирокида «Қамолот» ЁИХ туман Кенгаши ташаббуси билан «Кўча арча» лойиҳаси доирасида байрам тадбири ўтказилди.

● **«ЧЎЛПОН»** нашриёт-матбаа ижодий уйи томонидан Ўзбекистон халқ шоири Анвар Обиджоннинг «Ўғирланган Пахлавон» асари нашрга тайёрланди.

Тошкент шаҳар ҳокимлиги
Матбуот хизмати ва
ўз мухбирларимиз
хабарларидан.

Қуролли Кучлари-миз сафларида тинчлигимиз, сарҳадларимиз дахлсизлиги, муқаддас заминимиз осойишталигини кўриқлаётган мард, ватанпарвар йигитларимиз мунис оналарнинг ишонган тоғи, фахру ғуруридир.

Камолитдин Тўраев
олган суратлар.

14 январь — Ватан ҳимоячилари кўни



МУСТАҚИЛЛИКНИНГ 14 ЙИЛЛИГИ МУНОСАБАТИ БИЛАН ПРЕЗИДЕНТИМИЗ ФАРМОНИГА КЎРА ДАВЛАТ ЧЕГАРАЛАРИНИ ҚЎРИҚЛАШДА КЎРСАТГАН МАТОНАТИ УЧУН ПОСТ БОШЛИГИ, КАТТА ЛЕЙТЕНАНТ АЛИХОН АББОСХЎЖАЕВ «ЖАСОРАТ» МЕДАЛИ БИЛАН ТАҚДИРЛАНДИ. ЎЗБЕКИСТОННИНГ БУ МАРД ЎҒЛОНИ ҲАҚИДА, УНИНГ МАТОНАТИ, ЖАСОРАТИ ХУСУСИДА ҚЎЙИДАГИ ЛАВҲАНИНГ ЎЗИДАН АНГЛАБ ОЛАСИЗ.

ЎЗБЕГИМ ФИДОЙИ ЎҒЛОНИ

Пост бошлиғи, катта лейтенант Алихон Аббосхўжаевнинг буйруғига кўра посбонлар иккита асосий ғуруҳга бўлинишди. Воқеа содир бўлган жой координатларини командир яхши билади. Нафақат командир сифатида, балки оддий бир чегарачи сифатида ҳам кўриқлаши лозим бўлган Ватан сарҳадларининг ҳар бир қаричини билади. Қаерида ботқоқлик, қаерида сувлик, қаерида қамишзор борлигини ипидан игнасигача ўрганган. Негаки, она замини, киндик қони тўкилган тупроқда. У учун ботқоқлиги ҳам, қамишзори ҳам азиз, муқаддас.

Дастлабки қидирув ишларида қўлидан яраланган чегара бузувчи қўлга олинган бўлса, кейингисиде шериги ҳам «қопқон»га тушди. Тажрибали командир етакчилигида маҳорат билан ҳаракатланган аскарларимиз ҳеч қандай талафот кўришмади.

Истиқлол кашф этган, қалби Ватан туйғусидан нафас олаётган ҳарбийларимизнинг авлоди ана шундай бўлади. Нопок қадамини юрт сарҳадида қўймоқчи бўлганларга муносиб зарба беради. Ватанини, унинг бир қаричерини ҳам бировларга бериб қўймайди.

Алихон оилада кенжа фарзанд бўлиб, Тошкент шаҳридаги чегарачилар тайёрлаш билим юртини тугаллаган. Катта лейтенант А.Аббосхўжаевга Конституциямиз байрами арафасида Ватаннинг юксак мукофоти тантанали равишда топширилди. Бундайн юксак эътибордан руҳланган чегарачи ўғлон ҳаяжонини шундай изҳор қилди:

— Ватаннинг юксак мукофотини олиш, эзгу тилак, истакларни эшитиш ҳаётимдаги энг унутилмас кун бўлиб қолади. Давлатимиз, Президентимизнинг биз Ватан ҳимоя-



чиларига кўрсатаётган эътибори, ғамхўрликларидан миннатдоримиз. Шахсан мен ҳарбийликни ўзимга касб, тақдир деб биламан. Бундан чексиз фахрланаман. Ватаннинг юксак мукофоти мени ва жамоамни янада серғакликда, жанговар шайлиқда сарҳадларимизни кўриқлашга, Қуролли Кучларимизнинг янада шаклланиши йўлида фидокорона хизмат қилишга руҳлантиради.

Алижон САФАРОВ, майор

2006 — Ҳомийлар ва шифокорлар йили

ЯНГИ ҚОНУН ЛОЙИҲАСИ МУҲОКАМАСИ

ПРЕЗИДЕНТИМИЗ ИСЛОМ КАРИМОВ ЎЗБЕКИСТОН РЕСПУБЛИКАСИ КОНСТИТУЦИЯСИНING 13 ЙИЛЛИГИГА БАҒИШЛАНГАН ТАНТАНАЛИ МАРОСИМДАГИ МАЪРУЗАСИДА «КИРИБ КЕЛАЁТГАН ЙИЛНИ ҲОМИЙЛАР ВА ШИФОКОРЛАР ЙИЛИ ДЕБ ЭЪЛОН ҚИЛАР ЭКАНИМИЗ, БИЗ БИРИНЧИ ГАЛДА ҲОМИЙЛИК ҲАРАКАТИ, ҲОМИЙЛАРНИНГ МАВКЕИ ВА МАҚОМИНИ КУЧАЙТИРИШ, БУ МАСАЛАНИНГ ҚОНУНИЙ БАЗАСИНИ ЯРАТИШНИ, БУНДАЙ БЕҒАРАЗ ВА ОЛИЖАНОБ ИНТИЛИШЛАР ЖАМИЯТИМИЗДА МУНОСИБ ЎРИН ОЛИШИ УЧУН КЕНГ ЖАМОАТЧИЛИК ФИКРИНИ ШАКЛЛАНТИРИШНИ КЎЗДА ТУТАМИЗ», ДЕЯ АЛОҲИДА ТАЪКИДЛАДИ.

Мазкур йўл-йўриқлар ҳамда мамлакатимиз Президентининг «Ҳомийлар ва шифокорлар йили» Дастурини ишлаб чиқиш ва амалга оширишнинг ташкилий чора-тадбирлари тўғрисида»ги фармойишида белгилаб берилган вазифаларнинг ижросини таъминлашга доир масала Тошкентда «Ўзбекистон Республикасида ҳомийлик фаолиятининг ҳуқуқий асослари» мавзуида ўтган илмий-амалий конференциянинг бош мавзуи бўлди.

Ҳомийлар ва шифокорлар йилига бағишланган ушбу тадбирни Ўзбекистон Халқ

Демократик Партияси марказий кенгаши Олий Мажлис Қонунчилик палатасининг Демократик институтлар, нодавлат ташкилотлар ва фуқароларнинг ўзини ўзи бошқариш органлари қўмитаси билан ҳамкорликда уюштирди. Унда Олий Мажлис Қонунчилик палатаси депутатлари, ҳуқуқшунос олимлар, давлат бошқаруви органларининг мутахассислари, экспертлар, Омбудсман ва Инсон ҳуқуқлари бўйича Ўзбекистон Республикаси Миллий маркази, шунингдек, нодавлат нотижорат ташкилотлар ҳамда жа-

моят бирлашмаларининг вакиллари иштирок этди.

Анжуманда Олий Мажлис Қонунчилик палатаси Демократик институтлар, нодавлат ташкилотлар ва фуқароларнинг ўзини ўзи бошқариш органлари қўмитаси раиси А.Саидов, Ўзбекистон ХДП марказий кенгаши раиси, Олий Мажлис Қонунчилик палатаси Халқаро ишлар ва парламентлараро алоқалар қўмитаси раисининг ўринбосари Л.Ғуломов ва бошқалар Президент Ислам Каримов раҳнамолигида барча соҳаларда, жумладан, соғлиқни сақлаш, қонун ижодкорлиги,

ижтимоий соҳаларда изчиллик билан амалга оширилаётган ислохотлар ўз самарасини бераётганини алоҳида таъкидлади.

Тадбирда давлатимиз раҳбарининг ташаббуси билан ишлаб чиқилган «Ҳомийлик фаолияти тўғрисида»ги қонун лойиҳасини янада бойитиш ва тақомиллаштириш бўйича фикр-мулоҳаза ва таклифлар билдирилди.

Анжуманда «Ўзбекистон Республикасида ҳомийлик фаолиятининг аҳволи ва унинг ҳуқуқий асосларини тақомиллаштиришнинг асосий йўналишлари тўғрисида», «Ҳомийлик — ногиронлар жамоатчилиги ташкилотлари фаолиятининг асоси», «Ҳомийлик ва фуқароларнинг ижтимоий ҳимояси», «Ҳомийлик фаолияти тўғрисида»ги қонун қандай бўлиши лозим?» каби мавзуларда маърузалар тингланди.

Т.БОТИРБЕКОВ,
ЎЗА мухбири

Шарқ дурдоналари

ОЗ-ОЗ ЎТГАНИ
Дона бўлур...

Ҳикоят: Бир табиб бир одамнинг олдига келиб: «Мен сенга учта нарса олиб келдимки, улар сендан ўзга кишига арзимаёди» деди. «Улар нималар экан?» — сўради улуг киши. Табиб баён қилиб деди: «Сочни бўйайдиган рангни, у билан сочингни бир бор бўясанг, умринг охиригача бошқа оқармайди. Иккинчиси, ҳазм дорисини, ундан истеъмол қилсанг, ҳар қандай кўпол ва қаттиқ овқатни ҳам бир онда тилкалаб ташлайди. Учинчиси, шундай бир дорики, ундан истеъмол қилсанг, йигитлик айёминг қайтиб келади ва гўзаллар билан истаганингча айшу ишратда бўлишинг мумкин» Табиб сўзини тугатгач, улуг киши унга қараб деди: «Сен олиб келган соч бўёғи алдов мояси, мағрурлик нишонаси, қариганда ёшларнинг қилигини қилиш одамга ярашмайди. Қари кишига оқарган соч ҳам зийнатдир. Мен оқ сочларимни қора зулматга алмашмайман. Айтган ҳазм дорингга келсак, мен кўринган овқатни бўктириб уравермайман, унақа одамлардан эмасман. Менинг шиорим, кам ёмоқдир. Еганда ҳам сен айтгандек кўр-кўрона кўринган овқатни эмас, ошқозоним ҳазмига ожиз бўлмаганларини ейман, учинчи дорингга келсак, бундай дори хою ҳавасга берилган ахлоқ одамларга керак. Ўзининг савобли ишларини ташлаб қўйиб кун бўйи хотинларга хушомад қилиб ўтирадиган киши бахтсиз кишидир.

Абулбарокат ҚОДИРИЙ

Гарчи зоҳирин тўғридиндур нафс,
Жаҳлинг уйида ўғридиндур нафс.
Нафс тавсанини ром қил ўзингга,
Қодир ул ҳар ва сўз десанг сўзингга.

БОБУР

Кимки ориф эрса ўз нафсига,
Даҳрни бир зарра кўзга илмагай.

ТОЛИБИЙ

Тозалиқдан қочган киши хасталик домига илинади.
Оғриган кўз кўр бўлиб қолган кўздан яхши.
Дорингга қувониб заҳар ичма.

«ОТАЛАР СЎЗИ».

Нафс ёғисин мағлуб этгил.
Ишларингни борини ҳўб этгил.

БОБУР

Аждаҳо билан уруш қилган киши полвон эмас,
Пахлавон улдурки, голиб бўлса, ким ўз нафсига.
ПОШХОЎЖА

Одамлардан бири Низомиддин дейди: «Куйидаги нарсалар ёқимсиз, ҳунук ва нораводир: ўзгаларни масҳаралаш, кўп қулиш, аччиқ нарсаларни кўп ейиш, мевалари пишиб турган дарахт тағига ётиш ёки унинг остига ҳожат ушатиш, соч ёки соқолини бошқа кишилар тароғи билан тараши, қозондан қўл билан овқат ейиш, жамоат олдига тупуриш, сичқон еган нарсани ейиш, бозорда кўпчилиكنинг назари тушиб турган ерда овқат ейиш, гўристонда ўтириб овқатланиш, у ерда қах-қах уриб қулиш»

Абулбарокат ҚОДИРИЙ

Ема зарра ҳаром оғушта нондин,
Бўлур гоҳи нажас бир қатра қондин.

Сўфи ОЛЛОЁР

Дўстим эрталиқнинг ғамини ема,
Бу бир нақд нафсни ғанимат билгил.

Пахлавон МАХМУД

Тамокқа эҳтиёт бўлинса, умрга фойдалидир,
Овқатни оз ейилса, бу оғизга лаззатлидур.

Юсуф Хос ҲОЖИБ

Ичимлик ичма, тубанларга аралашмай юр,
Эмин юр, доим эзгу бўласан.

Синалган, танилган кишини маҳкам тут.
Ундан сенга туман минг манфаат тегади.

Ҳар қанақа сўзни ҳам тингла, лекин ишонма.
Кўнглингдагини очма, қаттиқ ва маҳкам тут.

Юсуф Хос ҲОЖИБ

Масти иқбол ўлма, идбори била оғритма бош,
Тотмағил бу бодани, зинҳор махмур ўлмағил.

ГОЗИЙ

Ичимлик ичма, зинҳор зинога яқинлашма,
ҳазар қил.

Бу икки нарса гадолик тўнини кийдиради.

Юсуф Хос ҲОЖИБ

Хамрдин яхши йўқ жаҳонда неъмат,
Бўлмаса гар хумору дардисари.

ГАДОИЙ

Билимли ичимлик ичса, билимсиз бўлади,
Билимсиз маст бўлса, ноқўя ишлар қилади.

Ичимлик ичма, ичимлик ичса, кишининг
бахти кетади,

Ичимлик ичса, киши телба, тентак бўлади.
Қайси нарсасга меҳнат кўп сарфланса,

Ўша нарса севибли, азиз бўлади.

Юсуф Хос ҲОЖИБ

Тўғраб еган гўшт яхши,
Чанқаб ичган сув яхши.

«Кўрқит ОТА китоби»

Ёш йигитлар кезибон лафқау ҳар растааро,
Қўлида шишан май, оғзида қуфр ила наво.

Ҳар қаби ханграшибон шахрни айлаб ғавго,
Йўқ алар юзларида ҳеч дами шарму ҳаё.

Бўлубон ҳар қаби ўтгай ҳамма хандон халойиқ,
НОДИМ

Ичимлик ичма, эй майпараст, бўғзининг қули,
Май ичсанг, сенга гадолик йўли очилади.

Маст бўлгач, киши телба, тентак бўлади.
Кимнинг ҳиммати бўлмаса, у ўликдир,

Иккала дунёда ҳам у бебаҳра бўлади.
Барча халққа кўнғилдан меҳрибон бўл,

Доим хайрли иш қил, ўзинг эзгулик топ,
Халққа манфаат келтир, зарарли бўлма,

Феълингни яхши тут, ёмонларнинг
касофатини бос.

Юсуф Хос ҲОЖИБ

Махмуд ҲАСАНИЙ,

Ҳамиджон ҲОМИДИЙ тайёрлашган

«KONKOR-SERVIS» хусусий корхонаси «KONKOR-SERVIS» масъулияти чекланган жамиятига айлантирилмоқда». Шу сабабли «KONKOR-SERVIS» хусусий корхонасига қарашли қарз ва мажбуриятларни тўлалигича қабул қилувчига айланганини эълон қилади.
Манзил: Тошкент шаҳар А.Қодирий кўчаси, 13.



МУАССИС: ТОШКЕНТ ШАҲАР
ҲОКИМЛИГИ

Буюртма Г-308

Бош муҳаррир
Акмал АҚРОМОВ

Манзилимиз: 700000,
Тошкент шаҳри,
Матбуотчилар кўчаси, 32

РЕСПУБЛИКА ДИЗАЙН КОЛЛЕЖИДА ОЧИЛГАН ШАНХАЙ ҲАМКОРЛИК ТАШКИЛОТИГА АЪЗО МАМЛАКАТЛАР ХАЛҚ ЭРТАКЛАРИ МАВЗУЛАРИДАГИ БОЛАЛАР СУРАТЛАРИНИНГ ХАЛҚАРО КЎРГАЗМАСИ «БОЛАЛАР ЭРТАКЛАРИНИ ЧИЗИШГАНДА» ДЕБ НОМЛАНДИ. ТАДБИР ШАНХАЙ ҲАМКОРЛИК ТАШКИЛОТИ КОТИБИАТИ, ЎЗБЕКИСТОН БАДИИЙ АКАДЕМИЯСИ ХАМДА «ЎЗБЕКИСТОН МАДАНИЯТИ ВА САҢЪАТИ ФОРУМИ» ЖАМҒАРМАСИ ТОМОНИДАН ТАШКИЛ ЭТИЛДИ.

Мазкур кўргазмани ташкил этиш гоёси туғилишининг тарихи ўзига хосдир. Болажонларга халқ эртаклари қаҳрамонлари ва манзараларини тасвирлаб бериш тақлиф қилинган эди. Бундай синовдан кўзланган мақсад сиёсий, иқтисодий, маданий соҳаларда ҳамкорлик қилаётган ШХТга аъзо мамлакатлар болалари ўртасидаги ҳамкорликни йўлга қўйиш эди. Кўргазманинг «Эртаклар ор-



Танловлар

ЁШ МУТАХАССИСЛАР БЕЛЛАШДИ

ЁШЛАРИНИНГ БЎШ ВАҚТЛАРИДАН УНУМЛИ ФОЙДАЛАНИШ, БИЛИМЛАРИНИ ОШИРИШ, ТАФАККУРЛАРИНИ КЕНГАЙТИРИШ МАҚСАДИДА ШАҲРИМИЗДА КЎПЛАБ КЎРИК-ТАНЛОВЛАР ЎТҚАЗИЛАДИ. КЕЛАЖАК ЁШЛАРИНИКИ, ДЕБ БЕЖИЗ АЙТИЛМАЙДИ. ЁШЛАР ОРАСИДА ТАШАББУСКОРЛАРИНИ АНИҚЛАШ ВА УЛАРНИ РАҒБАТЛАНТИРИШ ЭСА АНЪАНАГА АЙЛАНМОҚДА.

Яқинда мана шундай тадбирлардан бири Шайхонтоҳур туманидаги 324-мактабда бўлиб ўтди. Бу ерда туманлараро ёш мутахассислар ўртасида «Ёш мутахассис» деманг бизни, хайратда қолдирамиз сизни!» мавзюида кўрик-танлов ўтказилди. Ушбу тадбир Тошкент шаҳар Халқ таълими бош бошқармаси ҳамда «Ёш педагоглар ассоциацияси» ҳамкорликларида ташкил этилди. Таъкидлаш жоизки, кўрик-танловнинг якуний — шаҳар босқичи Ўзбекистон Республикаси Президентининг «Халқ таълими ходимлари меҳнатига ҳақ тўлаш тизимини такомиллаштириш ва моддий рағбатлантиришни кучайтириш чора-тадбирлари тўғрисида»ги Қарори ижросини таъминлашнинг илк қадами сифатида ўтказилди.

Кўрик-танловда Юнусобод туманидан «Октава», Яккасарой туманидан «Қувноқ устозлар», Ҳамза туманидан «Универсал», Учтепа туманидан «Зиё чашмалари» деб номланган умумтаълим мактаблари жамоалари катнашди. Кўрик-танловда «Саломлашиш», «Дарсимизга марҳамат» қаби шартларда Юнусобод ва Учтепа тумани вакиллари фаоллик билан қатнашиб, яхши натижаларни қўлга киритишди. Бу шартларда умумтаълим мактабларининг ҳаётидаги ютуқлар ва қамчиликлар, қизиқарли воқеалар мисолида ёритиб берилди. Қолган

«Гуруҳ сардорлари мусобақаси» ҳамда «Юлдузларни излаймиз» шартларида Яккасарой тумани иштирокчилари муваффақиятли қатнашдилар. Эътиборли томони, мутахассислардан иборат хайрат аъзолари кўрик-танловни одиллик билан баҳолаб бордилар. Танлов давомида иштирокчиларнинг ҳар бир чиқишлари муҳими, мусикиллаштирилганлиги, пухталиги алоҳида эътиборга олинди.

— Бизга голибларни аниқлаш осон кечмади. Зеро ҳар бир гуруҳ берилган вазифаларни пухта бажарди, — дейди Тошкент шаҳар Халқ таълими бош бошқармаси мутахассиси Нозима Тожобеова. — Кўрик-танловда ўқитувчи ва ўқувчи ўртасидаги ўзаро ҳурмат, ҳамжихатлилик ҳислатлари, билимли ёш мутахассисларнинг интилишлари, ўзаро беллашмилари тадбирнинг янада қизиқарли чиқишида алоҳида аҳамият касб этди.

Танлов сўнггида голиблар аниқланиб, унга кўра биринчи ўрин Юнусобод туманининг «Октава» гуруҳига ва иккинчи ўрин Учтепа туманининг «Зиё чашмалари» гуруҳига насиб этди. Голиб гуруҳларга эсдалик совғалари тақдим этилди.

Юлдуз УСМОН

СУРАТДА: кўрик-танловдан лавҳа.
Алексей Попов олган сурат.

Турфа олам

ЖЕРРИ СУЮКЛИ БЎЛИБ ҚОЛДИ

Етти ёшли Наташа кўчадан кучукча топиб олди ва уни уйига келтирди. Кучукча онасига ёқмади. Фақат отасининг аралашуви туфайли уни уйда олиб қолишди.

Бир кун Наташа уйда ёлғиз эди. Кутилмаганда дераза дарчасига сигарет қолдиги келиб тушди. Кимнинг бундай «ҳазиллашганини» ҳеч ким билолмади. Эски, қуруқ газета ловуллаб ёниб кетди, ундан пардага ўт тушди. Кўркувга тушган қизча хонанинг бурчагига яширинди. Жерри бўлмаганда ким билади, унинг холи нима кечарди? Кучукча дераза тоқчасига чиқиб вовиллай бошлади. Унинг ноласи қўшни аёлнинг диққатини тортди. Ёрдамга келган кишилар эшикни бузиб, ёнгини ўчиришди ва Наташа билан Жеррини қутқаришди. Шундай қилиб, Жерри Усачовлар хонадони учун суюқли бўлиб қолди.

Донецк областида содир бўлган ушбу воқеа тўғрисида Украинанинг «Рабочая газета»си хабар берган.

ХУШЁР БОЖХОНАЧИЛАР

Оғир оёқли йўловчилардан бири қувайтлик божхоначиларда шубҳа туғдирди.

ЭРТАКЛАР БОЛАЖОНЛАР НИГОҲИДА

қали бир-биримизни таниймиз», деган шиор ҳам шундан келиб чиқди. Гоё жуда катта иштиёқ билан қарши олинди: Қозоғистон, Хитой, Россия ва Ўзбекистондан бир неча ўн минглаб расм келиб тушди. Шундан сўнг ШХТ Котибияти энг яхши расмларни саралаш ва улардан маҳсул кўргазма ташкил этишга қарор қилди. Унинг илк намоиши 2005 йил май ойида Пекинда бўлиб ўтди.

— Болаларнинг ранг-баранг ижод намуналарида ёш авлод вакиллари турли халқларнинг маданиятини қандай тушуниши яққол намоён бўлиб турибди, — дейди Москвадаги А.Пушкин номидаги тасвирий санъат музейи катта илмий ходими Ирина Захарова. — Бундай мулоқот болалар тафаккурида ҳаётга нисбатан ўз муносабати шаклланишига, бошқа халқларнинг ички дунёси ва маданиятини тушуниб етишга, алал-оқибат, ўз маданияти ҳақида ғамхўрлик қилиши кераклигини тушуниб етишига кўмаклаша-

ди. Кўргазма қобилиятли болаларни аниқлашга ёрдам берибгина қолмай, уларнинг мурғак қалбларига эзгулик, дўстлик туйғуларини сингдиришга, халқлар ўртасидаги ўзаро ҳамжихатлиқни мустаҳкамлашга ҳам рағбатлантиради.

Кўргазманинг очилиш маросимида ШХТ ижрочи котибининг ўринбосари Владимир Захаров расмлар муаллифлари ва уларнинг устозларига faxрий ёрликлар топширди.

Тошкентдаги болалар расмлари кўргазмаси ШХТ ташкил этилганининг беш йиллигига бағишлаб ўтказиладиган тадбирларнинг биринчисидир. Навбатдаги кўргазма-ни Москвада ташкил этиш режалаштирилмоқда. Ўшундай эса кўргазма Пекинда, Шанхай Ҳамкорлик Билан Лотининг наватдаги саммити давомида ўтказилади.

«Жаҳон» АА

Футбол

МАЪЛУМКИ, КЕЛГУСИ ЙИЛИ ИНДОНЕЗИЯ, ВЬЕТНАМ, ТАИЛАНД ХАМДА МАЛАЙЗИЯ ДАВЛАТЛАРИДА ФУТБОЛ БЎЙИЧА ОСИЁ ЧЕМПИОНАТИ МУСОБАҚАЛАРИ БЎЛИБ ЎТАДИ.

РАҚИБЛАРИМИЗ МАЪЛУМ БЎЛДИ

Шу боис ҳам жорий йилнинг февралдан Осий чемпионатида саралаш мусобақалари бошланади. Қуни кеча Малайзия пойтахти Куала-Лумпур шаҳрида ана шу нуфузли мусобақанинг саралаш баҳсларига қуръа ташлаш маросими ўтказилди.

Қитъамизнинг кучли терма жамоаларидан бири сифатида эътироф этилаётган Ўзбекистон терма жамоаси қуръа натижаларига кўра «F» гуруҳида Қатар, Гонконг, Бангладеш терма жамоаларига қарши голиблик учун кураш олиб боради. Дарвоқе, гуруҳда биринчи, иккинчи ўринларни эгаллаган жамоаларгина Осий чемпионати финалида қатнашиш ҳуқуқига эга бўлишади. Дастлабки учрашувда ҳамюртларимиз Бангладеш терма жамоасига қарши «Пахтакор» марказий стадионида майдонга тушишади.

“ПАХТАКОР” — САҲАРДА

МУХЛИСЛАРГА МАЪЛУМКИ, ҲАР ЙИЛИ ЯНВАР ОЙИДА РОССИЯ ПОЙТАХТИ МОСКВАДА МДХ ЧЕМПИОНЛАРИ КУБОГИ МУСОБАҚАЛАРИ УЮШТИРИЛАДИ. ЖОРИЙ ЙИЛГИ ТУРНИРДА ЭСА МАМЛАКАТИМИЗ ШАРАФИНИ ЯНА РАВШАН ҲАЙДАРОВ БОШ МУРАББИЙЛИГИДАГИ «ПАХТАКОР» ЖАМОАСИ ФУТБОЛЧИЛАРИ ҲИМОЯ ҚИЛИШАДИ.

Ушбу нуфузли турнирда муваффақият қозонишни ният қилган пахтакорчилар ўқув-йиғин машғулотларини хорижда ўтказиш мақсадида Бир-

Мунажжим башорати

ИЖОДИЙ ПАРВОЗЛАР ҚУНИ

10 ЯНВАРЬ, СЕШАНБА

МУНАЖЖИМЛАР ТАЪКИДИГА КЎРА, БУГУНГИ КУН ИЖОДКОРЛИК НУҚТАИ НАЗАРИДАН ҲОЯТ УНУМЛИ КУН ЭКАН. ТАШҚИ ҲОЛАТЛАР ҲАР ҚАНАҚАНГИ ИШ УЧУН ҚУЛАЙ БЎЛИБ, МУЛОҚОТЛАР, ФИКРЛАР, АХБОРОТЛАР АЛМАШУВИ МАВЖУД БЎЛИШИНING ЎЗИ МУВАФФАҚИЯТНИ ТАЪМИНЛАЙДИ.

Иш манфаатини кўзлаган ҳолда севгилгингиз билан висол онларини кечиктириб турганингиз маъқул. Омадани қўлга киритиш, ўз фаолиятингизни кенгайтириш, қўшимча даромад манбаини топиш, шунчаки ҳаётингизни ранг-баранг қилиш истикболлари бугун осмонлардаги хом ҳаёллардан муҳимроқдир.

Ҳар ким бугун ўз имкониятига эга бўлади, ўз омади унга қулиб боқади. Бадий ижод билан, жисмоний тарбия ва спорт билан шуғулланиш хайрли бўлади. Саунага бориш имкониятидан ҳам воз кечиш керакмас. Болаларга, уларнинг жисмоний, интеллектуал ва руҳий ривожига эътибор қилиш бугун жуда муҳимдир. Меъморий ва маданий ёдгорликлар билан ақидан танишиш ҳам фойдали.

Лекин бугун йирик харидлардан тийилганингиз маъқул. Шунингдек, кўп чекиш, қандайдир сабаблар билан ҳаво, ер ва сувни ифлослантириш ҳам мумкин эмас. Ўз шухратпарастлигингиз, манманлигингиз, калондиомглик ва бошқаларни камситиш билан ўзаро муносабатларингизга раҳна солиш эса мутлақо ман этилади.

Мабодо, бугун қайноқ сув устингизга тўкилиб кетса — бу покланиш белгиси. Агар уйда электр лампочкаси қуйиб қолса ёки чироқ ўчиб қолса — бу касалликдан ёки мулкдан айрилишингиздан

огоҳлантиришдир.

Ўсимликлар билан боғлиқ ҳамма тушлар хайрли, аммо ҳайвонларни қўриш синовлар ва жанжал-можароларга ишора. Қўрқинчли тушлар кўрсангиз, ташвиш қилманг — улар пуч бўлиб, ҳеч қачон ўнгингизда содир бўлмайди.

Илоҳи бўлса, бугун ҳайвон гўштидан тайёрланган таомлардан ўзингизни тортинг. Қўкат ва сабзавотларга кўпроқ майл қилинг, шартларар ичинг. Умуртқа поғонаси, суяк тизими хасталиқларини даволашни орқароққа суриб тура туринг.

Кийимлардан оқ, сариқ ва олтинранг туслилар омадли бўлиб, қорамтир, айниқса жигарранг либослардан узоқроқ бўлинг.

БУГУН:

— оила ташвишлари ва жиддий муаммолардан дам олиш;

— вақтингизни кўпроқ болалар, дўстларингиз, тенгдошларингиз билан ўтказиш;

— қундалик ва муҳим бўлган ишлар билан эрмак учун шуғулланиш;

— бозорда арзон харидлар қилиш;

— бугунги кун воқеаларини диққат билан кузатиш (эҳтимол ўз тақдирингизни учратарсиз) тавсия этилади.

Янги ишларга қўл уриш, бошиқлар билан, таникли кишилар билан учрашиш, жамоат ва сиёсат ишлари билан шуғулланишдан ўзингизни тийинг.

Нашрни етказиб бериш масалалари бўйича турар жойлардаги почта бўлимларига ёки «Тошкент почта»га — 133-74-05 телефонига мурожаат қилишингиз мумкин.

Газета «Тошкент оқшомининг компьютер марказида терилди ва сақланган.

«Шарқ» нашрий-матбос акциядорлик компанияси босмахонаси. Корхона манзили: «Буюк Тўро» кўчаси, 41-уй.

1 2 3 4 6